

SIARAN MEDIA

UNTUK SIARAN SEGERA

Pemenang SUPERB 2021 Bakal Merancakkan Ekosistem *Startup* Negara dengan Idea Perniagaan Berlandaskan Ekonomi Pandemik
60 usahawan belia Bumiputera melalui Sesi 'Pitch' Peringkat Akhir selama dua hari untuk memenangi Geran Permulaan Perniagaan Sehingga RM500,000

KUALA LUMPUR, 15 Disember 2021 – Seramai 60 finalis SUPERB 2021 anjuran Unit Peneraju Agenda Bumiputera (TERAJU) berpeluang memenangi geran permulaan perniagaan sehingga RM500,000 setelah melalui Sesi '*Pitch*' Peringkat Akhir selama dua hari pada 11 dan 12 Disember 2021. Melalui siri ke-16 ini, para finalis telah membentangkan idea perniagaan yang berdaya saing serta berinovatif dalam mendepani era pandemik yang dihadapi berlandaskan keperluan norma baharu.

Menurut Ketua Pegawai Eksekutif TERAJU, En. Md Silmi Abd Rahman, sebagai Penyelaras Utama Agenda Sosioekonomi Bumiputera bertrajektori tinggi, TERAJU membuka pintu kepada Bumiputera untuk menceburi bidang keusahawanan melalui pelbagai jenis sokongan, bermula dengan program SUPERB. “Melalui SUPERB, TERAJU komited untuk memupuk usahawan Bumiputera yang boleh memajukan diri dan membangunkan ekosistem *startup* negara yang mampan serta inklusif. Pemupukan jati diri dan integriti usahawan-usahawan Bumiputera adalah penting supaya kualiti ekosistem *startup* negara berada pada tahap optimal yang membanggakan, serta dapat bersaing pada tahap global. Ini selari dengan hala tuju Tindakan Pembangunan Bumiputera 2030 (TPB2030), intipati Wawasan Kemakmuran Bersama 2030 (WKB2030) dan tumpuan utama Rancangan Malaysia Ke-12 (RMK-12) yang antaranya, meningkatkan kesaksamaan peluang dan keberhasilan untuk pembangunan negara.”

“Kita dapat lihat idea-idea perniagaan tuntas yang berjaya mara ke peringkat akhir SUPERB ini terdiri dari pelbagai industri strategik yang berimpak tinggi, terutamanya dari Aktiviti Pertumbuhan Ekonomi Utama (KEGA) Ekonomi Digital, Angkasa dan Aeroangkasa, Pertahanan dan Keselamatan, Pertanian dan Komoditi serta Pembuatan. Finalis juga lebih

terbuka untuk mengadaptasi pendigitalan di dalam idea perniagaan mereka dan lebih 50 peratus menggunakan platform dalam talian dan aplikasi. Sepanjang program SUPERB 2021, kita mencari bakat tempatan yang berfikir di luar kotak, kreatif dan strategik untuk digilap melalui segmen latihan intensif *accelerator* yang telah dijalankan, diikuti dengan bimbingan susulan untuk para pemenang nanti. Latihan intensif ini penting bagi memastikan pengkomersialan, kemampanan serta kebolehlaksanaan idea perniagaan, terutamanya dalam menghadapi norma baharu,” tambah En. Md Silmi.

60 finalis ini dipilih daripada hampir 800 jumlah permohonan setelah melalui beberapa proses saringan dan latihan intensif dalam program SUPERB 2021. SUPERB 2021 turut memberi penekanan kepada idea perniagaan yang lestari dan bersifat penyelesaian kepada isu semasa serta permasalahan masyarakat.

Segmen peningkatan kapasiti *accelerator* selama enam minggu diperkenalkan untuk membantu para peserta menambah pengetahuan mengenai teknik *pitching* dan strategi keusahawanan, bermula dari peringkat cetus idea perniagaan, proses memulakan perniagaan, skil pengurusan, sehingga mengembangkan rangkaian serta memapankan perniagaan.

Sejak dilancarkan pada tahun 2014, SUPERB telah berjaya melahirkan 208 usahawan *start-up* belia Bumiputera dan lebih dari 62 peratus produk dan perkhidmatan mereka dikomersialkan di pasaran seluruh negara dan antarabangsa. Para pemenang SUPERB 2021 akan diumumkan awal Januari 2022.

Sila layari <https://superb.teraju.gov.my/home> untuk maklumat lanjut.

#TAMAT#

Untuk keterangan lanjut, sila hubungi:

Alia Wahidin



Komunikasi dan Media, CXPR
alia@wearecxpr.com.my | +6017 991 5354

Felicia Ds
Komunikasi dan Media, CXPR
felicia@wearecxpr.com.my | +6010 290 3092

MENGENAI PROGRAM SUPERB 2021

Program Skim Usahawan Permulaan Bumiputera (SUPERB) adalah program berasaskan pertandingan 'business pitching' untuk mengenal pasti usahawan permulaan Bumiputera yang mempunyai idea perniagaan yang kreatif, inovatif dan lestari. Sejak dilancarkan pada tahun 2014, SUPERB telah berjaya melahirkan seramai 208 usahawan permulaan Bumiputera dan membantu merealisasikan idea perniagaan mereka ke peringkat yang lebih tinggi.

Untuk tahun ini, SUPERB memberi penekanan kepada idea perniagaan berpaksikan Cadangan 15 Aktiviti Pertumbuhan Ekonomi Utama (KEGA) di bawah Wawasan Kemakmuran Bersama 2030. Sepuluh kategori aktiviti pertumbuhan ekonomi yang diangkat sebagai tema projek SUPERB adalah ekonomi digital, kewangan islam (Islamic Finance), pelancongan, pembuatan, halal dan makanan, pertanian dan komoditi, pertahanan dan keselamatan, pembinaan modular, aeroangkasa, serta logistik, pengangkutan dan kelestarian mobiliti.

Usahawan yang berjaya di peringkat akhir SUPERB bagi permohonan yang berada di fasa pembentukan dan pembangunan idea atau prototaip akan berpeluang menerima geran pembangunan perniagaan berjumlah sehingga RM100 ribu. Manakala, perniagaan yang sudah berada di fasa pra-komersial atau pengkomersialan berpeluang menerima geran pembangunan perniagaan sehingga RM500 ribu. Untuk maklumat lanjut, sila layari <https://superb.teraju.gov.my/home>

MENGENAI TERAJU 2021

Unit Peneraju Agenda Bumiputera (TERAJU) telah ditubuhkan pada tahun 2011 di bawah Jabatan Perdana Menteri sebagai organisasi strategik yang berperanan untuk meneraju, memacu dan menyelaraskan penyertaan Bumiputera dalam ekonomi negara.

Kini, fungsi TERAJU telah diperluaskan sebagai penyelarasan utama Agenda sosioekonomi Bumiputera bertrajektori tinggi, melalui tindakan intervensi strategik, inisiatif dan program berlandaskan bidang keutamaan dalam Tindakan Pembangunan Bumiputera 2030 (TPB2030) selaras dengan Wawasan Kemakmuran Bersama 2030 (WKB 2030) dan Rancangan Malaysia Ke-12 (RMK12). TERAJU berperanan menggalakan penyertaan Bumiputera dalam industri strategik yang berimpak tinggi ke arah menghasilkan ekosistem pembangunan Bumiputera yang mampan, dengan pengagihan ekonomi yang adil, saksama dan inklusif.

TERAJU turut dipertanggungjawabkan memacu aspek kesejahteraan hidup seperti pendidikan, kesihatan, keselamatan sosial dan kelestarian bagi menghasilkan persekitaran yang selesa dan dinamik, serta mengangkat martabat Bumiputera ke tahap yang lebih tinggi.